

تاریخ عثمانی انجمنی
۱ کانون اول
۱۳۳۰
پنجی سنه
نومبر ۲۹
مجموعہ سی

قاضی برهان الدین احمد

(۲۸ نجی جزء صحیفہ ۲۴۱ - ۲۳۴ دن مابعد)

مغول بک لرنڈن وارتنا اوغلر لرنڈن علی بکک زوجہ متروکہ سنک
اقر باسندن اولوب وقتیلہ سلطان برهان الدین احمد دن پک بیوک لطفار
کورمش ایکن کفران نعمتہ سلطان مشار الیہک دشمناریہ اتفاق ایدن
نبی نک یکی یابدیرمش اولدینی قرہ جہ حصار قلعہ سنی سلطان ضبط ایتمکله
نبی اولجہ بوزوشدینی امیر احمد لہ تکرار اتحادہ مضطر اولدی . سلطان
برهان الدین اوچ خصمنک برارہ یہ کلہ لرنڈن وعلی الخصوص سیدی حسامک
مکتوبلر لہ خبر چیلر لہ مغوللری تحریک ایتمہ سندن بونلرک اوزرینہ حرکت
ایتدی . زیلہ دہ ایکن علی اسمنده کی اوغلی دنیا یہ کلدی . بعدہ آماسیہ
و مرزیفون طرفلرینہ عزیمت ایدوب قیشی اورالردہ کچیردی . امیر احمد
قلعہ دن طشرہ چیقما دی . جاوقار امراسندن اولوبک ، سلامت بک ،
کوزلار بک ، امیر احمد دن اعراضہ سلطانہ التجا ایتدیلر . سلطان بر
مدت آماسیہ قلعہ سنی محاصرہ ایتدی . فقط برتیجہ استحصال ایدہ مہدی .
موسم بہارک ورودی ایلہ مغول امراسی حضور سلطانہ کلوب قرامان
اوغلندن شکایت ایتدیلر . دولودہ بولنان جنیدہ یاردم ایتدک لری بیانیلہ
مساعده اولتور ایسہ لارندہ یہ آقین ایدہ لم دیدیلر . سلطان مسئوللریخی
اسعافلہ برابر بالذات حرکتلہ دولویہ واصل اولدی . بورادہ خداوندکار
سلطان مراد خان اول حضرتلرینک عسا کر کلیہ ایلہ قرامان اوغلی
علینہ کلکدہ اولدیفنی خبر آلدی . کویا زبونکشکک اولاجقندن
محاربه دن صرف نظر اولونماسی رأیندہ ایکن قرامان اوغلندن اعتذارنامہ
کلککله مغوللرک قویونلرینہ تعرض ایتمہ مک و آنلرک اوزرینہ عسکر
چکمہ مک و قیصریہ یہ تعرض ایلمہ مک وجنیدہ معاونت ایتمہ مک اوزرہ

انتقام سوداسندن واز کچوب - دها طوغریسی عثمانلی قورقوسندن - سیواسه دوندی . حضرت خداوندکار آکریدور قلمه‌سنی فتح ایدوب عودت ایتدی [۱]. عثمانلیلرک عودتندن امنیت حاصل ایدن قرامان اوغلی عهدنده طورمادی . جنیدی قیصریه تخریبه تشویق ایتدی .

سلطان ، امیر احمد غانله‌سیله مشغول بولندینندن اوجهتدن تغافل ایده‌رک امامیه طرفه متوجه اولوب قزان قیاسی قلمه‌سنی حرباً آلدی . حاجی عارفشاهه ویردی که او جوارده بولونان «قلعه‌چک‌رک» . مسلط اولا . امیر احمد بوقلمه‌بی سیدی حسامه ویردی . سیدی حسام امیر احمدک یاردمی ایله مدرسه‌ی اخی عادلشاهه قصد ایتدی برشینه موفق اولامادی . اخی عادلشاهی وسعدالملکی اسیر ایتدیلر . سلطان چک‌رک قلمه‌سنی ضبط ایله پیر علی سیاهه تفویض ایتدی . نبی قورقوسندن دولت عثمانیه‌یه التجا ایله‌دی . سلطان برهان‌الدین احمد قراحصار قلمه‌سنی عثمانلیلر الیه ایتمه‌سون‌دیه او طرفه کیتدی . نبی‌نک برادری بوقلمه‌ده محافظ ایدی . قلمه‌بی عثمانلیلره ویرمه‌مک و تسلیمی موجب برحال ظهورنده سلطان برهان‌الدین احمده تسلیم ایتک اوزره نبی، قرداشه یین ایتدیرمش . بوسیره‌ده نبی وفات ایتکله قرداشی قلمه‌بی سلطانه تسلیم ایتدی . بو وقوعاتدن صوکره ترخال جوارنده برهان‌الدین برقلعه یاپدیردی . امیر احمد تاج‌الدین ایله متفقاً فرصته منتظر ایدیلر . تاج‌الدین، سلطانی غافل اولامق ایچون مصالحه طلبی ضمتنده برآدمنی کوندردی . سلطان جواب ویرمه‌رک ایلیجی‌نی اعاده ایتکله حرب باشلادی . امیر احمد و تاج‌الدین عسکرلرینی یوکسک بر طاغده تعیه ایتشلر ایکن یتهملوب اولدیلر . امیر احمد اصلاح بین ایچون شیخ نصرت اوغلی حضور

[۱] حمید اوغلی حسین بکدن اتباع اولتان قلاع وبقاع - که قره‌مان اوغلی استیلا و غصب ایتش ایدی - کبرو سلطان تصرفنه کیروب دلاور شایطلر ایله لوازم محافظتی آتام و ضبط و ترمیمنده اهتمام بیوریلوب بروسه طرفه معاودت بیورلدی . تاج‌التواریخ : خواجه سعدالدین افندی جلد اول صحیفه ۱۰۸

سلطان کوندردی. سلطان حربیه دوامله برابر تاج الدین مصالحه دن خارج بر اقلیق شرطیله صلح اولاییله جکینی بیان ایندی. تاج الدین اولایلیچی کوندردی. صوکرده ده بالذات کلوب کندی ایغیله دوزاغه طوتولدی. اما مظهر عفو اولدی. اوغللری حضور سلطان کوندریم دیرک قاچوب قورتولدی. متفق امیراحمدله سونیساده برلشدی. توقاده ذوق و صفاته مشغول بولونان سلطان برهان الدین احمد نیکار ولایت آقین ایندی. تاج الدین کواغلی البارسلان مقدمه لشکرله قارشولشدی لکن لندن یارالتوب مغلوب اولدی. سلطان غنائمله توقاده دوندی. امیراحمدک مکتوبلری توالی ایتدیکندن ضروری صلح اولدی.

بهار کلنجه عمر اوغللرندن شکایت ایدنلر توالی ایتکله سلطان قیصریه عزیمت ایندی. منوی ضمیرینی کشف ایدن عمر اوغللری میدان چیقمدقلرندن واولجه کوندریلن اخی عیسی بی اسیر ایلدکلرندن سلطان یغما ایله اکتفا ایدرک غانما سیواسه عودت ایندی. یایلاق موسی کلدیکنده کوسه طاغته کیدوب برقچ کون تنزه ایندی. اولجه تأدیب ایدلش اولان شام اتراکی استقباله شتبله ویرکولرینی ویردیلر. بواشاده سیواسه ینه برفساد حاضر لاقمده ایدی: اهالی شهر علی بکک اوغلنی مقام امارته اقامد ایچون جنیدی دعوت ایتشار ایدی. فساد باشی علی بکک ترزیسی امیرحاج اسمنده بری ایدی. صراف بایزید، اخیلردن پسر خواجه آراسته، اخی محمد، اخی ناصر الدین حق بر خرسیتان هیأت فسادیه دن ایدی. شهرک طیشاروسنده کی بیوک کلیساده جنیدی برقچ کشی ایله بولوندره جققلر و مفسدلرده توقات قیوسنی آچوب بوللری شهره صوقه جققلر ایدی. علی بکک اوغلی بوتربیتی قبول و تصویب ایتیش ایدی. سلطان برهان الدین احمد امیر عبدالله چلبی بی یانته جلب ایله مفسدلری احضار ایچون سیواسه کوندردی. کلدکلرنده جمله سنه جرملرینی اقرار ایتدیروب هنوزکنج اولان اخی محمدن ماعداسنی سیاست قتل ایتدیردی.

دیگر بوابشده ذی مدخل اولانلری عفو ایتدی. پدری ایله اولان حقوقه بناءً ایکنجی دفعه اوله رق علی بکک اوغلنک قصورینه اغماض عین ایله دی. حقوق سلطنتی غصب ایتدیکی بویجاره یه قارشو نه بیوک مرحمت کوسترمش! بوقضیه فصل اولوندیغنی متعاقب سلطان برهان‌الدین احمد سیواسه عودت ایتدی .

دائماً سلطان برهان‌الدین احمدک غوائلندن بالاستفاده باباسنک اوجنی آلمق اقصای آمالی اولان امامیه ملکی امیر احمد بوصیره ده نقض عهد ایدوب «قینار پیناری» مسیره سنه قونمش وعسکریله اسباب جنکه مشغول بولونمش و «ولدقوددارک» یاردمیله سیواس ولایتیه مستولی اولق ایسته مش ایدی. کیفیتدن خبردار اولان سلطان برهان‌الدین احمد، آدداشک حرکشدن اول طاور انوب علی الفله اردو کاهنی باصدی. امیر احمد برقاج کشی ایله کوچ قاجدی. دشمنی بود دفعه ده قاجیر ماغه موفق اولان سلطان سیواسه دوندی .

بوقیش علی خلاف المعتاد عسکر سوق ایدرک جنیدک معاوتی ایله مملکته ایراث ضرر ایدن اشقیایی محو ایتدی . بوموقیتی جنیدک موقعی تزلزله اوغرا تندیغنی درک ایدن سلطان برهان‌الدین احمد قیصریه فتحه عازم اولدی . وخامت عاقبتی تأمل ایدن جنید اولجه اسیر ایتدیکی اخی عیسایی شفاعتجی کوندره رک عرض اطاعت ایتمش وسلطانده قیصریه یی اکا توجیه ایله رک سیواسه دونمهی موافق حال بولش ایدی .

ظاهرده صید وسیرانده بولونماق واجتال که حقیقتده امیر مطهرتیه کوز داغی ویرمک اوزره ارزنجان حدودینه ایرشدیکنده تیمورلنکک آلا طاعه تزول ایتدیکنی خبر آلان سلطان صولوغی سیواسه الدی . قلمه یه استحکام ویردی . تیمورلنکک آلا طاعه خبر ورودی یالکز سلطانی دکل امیر مطهرتیه ده قورقونمش اولدیفندن ارزنجانی بوشامش واهل وعیالنی قره حصاره کوندرمش ایدی . لکن بویکی

حکمدارک تلاشی بیهوده اولدی . چونکه ارزن الروم (ارضروم) .
قدر کلن تیمورلنک ، قره قیونلو ترکانلرخی یغما و قتل ایتدیکدن صوکره
کیرو دوندی .

اماسیه ملکی امیر احمد سلطانک بو تلاشدن استفاده املنه دوشوب
زیلہ یه هجومله برقاج او یاقدی اماسیه قلعه سنه قاجدی . بوندن خبردار
اولان سلطان یاقدینی اومقدارنجیه امیر احمدک کویلرخی یاقدی بیقدی .
سیواسه دوندی .

البوم طربزون ولایتک اردو قضاسنی تشکیل ایدن مواقع ایله
جوارنده اودورده برترکان امارتی موجودایدی . طربزون ایمپراطورلنی
ایله همحدود بولسان بو خطه نک حاکی حاجی امیر [۱] زیاده خسته
اولش واک بیوک اوغلی سلیمان بکه حکومتی تسلیم ایتش ایدی .

حاجی امیر کسب عافیت ایدنجه اوغلنه ترک امارت ایتدیکنه پشیان
اولدی . اما اهالی سلیمان بکی التزام ایتدکلرندن حاجی امیر اطرافدن
یاردم ایسته دی . بو اختلال داخلی هرطرفدن خصمانک و ازان جمله
بوخاندانک دشمنی اولان نیکسار امیری تاج الدینک هجومه بادی اولدی .
تاج الدین ایکی دفعه بو خطه یه آقین استدی موفق اولامادی . سلیمان بک
بو غائله نک دفعی ایچون سلطان برهان الدین احمد التجا ایتمکه سلطان ،
شیخ بار علی بی برقاج معتمدی ایله تاج الدینه کوندردی . مناسب اولان
بابا ایله اوغلاک اده سنی بولمق ایکن فتنه و فساد باعث اولماسنک موافق
انصاف اولمادیقنی تاج الدینه تبلیغ ایله برابر اکر جنکدن ال چکمزسه
سلیمان بکه معاونت ایده جکی اخطار ایتدیردی . شیخ یارعلی ومعیتی هنوز

[۱] طربزون ایمپراطورلندن بحث ایدن تاریخلرده خالبیا امیری حاجی
میری دیه محرر اولان بو حاجی امیر اولمالیدر . طربزون ایمپراطوری اوجنچی
آلکسی همیره لرندن تئودورایی ۱۳۰۸ تاریخ میلادی سنده (۷۶۰ سنه هجره)
حاجی امیره تزویج ایتش ایدی .

ایفای وظیفه ایله عودت ایتمه‌دن اول سلیمان بکک تاج‌الدینی [۱] طار
برموقعه صیقیشدیرمش وبشیوز سواربسی ایله برابر قتل ایتمش اولدینی
خبری کلدی . بونی متعاقبده شیخ عودت ایتدی .

بوخبر اوزرینه سلطان برهان‌الدین احمد امیر سعیدی نیکساره
کوندردی . نیکسار اهاالیسی کلوب قلعہ‌ی تسلیم ایتدیلر . بونی متعاقب
سلطان‌ده بالذات نیکساره کلدی ملک دانشمند غازی‌نک تربہ‌سنی زیارت
ایتدی . بوصیره‌ده سلیمان بکک‌دن‌ده برآدم کلوب تاج‌الدینک عاقبت حالی
بیلدیردی . سلطان ، مقتول تاج‌الدینہ تابع بولونان اسکفسیر قلعہ‌سنہ
عزیمت ایتدی . اهل قلعہ براز مقاومتدن صوکرہ اطاعت ایتدیلر .
سلطان قلعہ‌یه کپروب آنی سلیمان بکک اقطاع ایدہ رک نیکساره کتیدی .
تاج‌الدینک یرینہ قائم اولان اوغلی محمود جلییدن عرض مطاوعتی
بیلدیرمک اوزره معتمدلری کلکمکہ سلطانک مرحمتی غلبه ایدوب نیکسار
خطہ‌سنی اکا ویردی . سلیمان بککده محمود جلی ایلہ خوش کچیمہ‌سنی
امر ایتدی .

بوئشاده تیمورلنکک هجومندن خائفاً قاچان مطہرتن وترکاندن
طوپلایہ بیلدیکی عسکرلہ سیواسہ متوجہ اولدینقی قیلو حصارده سلطان
طرقدن مأمور بولونان سراج‌الدین انبا ایتدی . سلطان بوخبری آنجه
عسکرلہ ملحق اولماسنی سلیمان بکک بیلدیردی . سلطان سیواسہ وصولندہ
سلیمان بککده نواحی سیواسہ اریشمش ایدی . سلطان برابیلچی ارسالیلہ
امیر مطہرتن دن سبب وزودینق صورديقندہ اتفاقدن بحثلہ معاونتہ
کلدیکنی بیلدیردی . برآز صوکرہ مطہرتنک ولايتہ دوندیکی خبری
کلدی . سلطان آنی تعقیب ایتدی ایسہ‌ده قیش زیادہ‌جہ اولدیفندن

[۱] طر بزون ایمراطوری اوچنچی آلکسی قیزلرندن اودوقسپای تاج‌الدینہ
تزوج ایتمش ایدی . ۱۳۸۶ سنہ میلادیه‌سندہ (۷۸۸ سنہ ہجریہ) تاج‌الدین
مفتولاً ارتحال ایتمککہ اودوقسپای قسطنطنیہ ایمراطوری بشنجی یانی پالہ‌تولوغ
تزوج ایلہ‌دی .

یتیمه مدی. عادت مألوفه سی وجهله بوقیشی ده سلطان بزم ایله کچیردی . بهار کلتجه عسکر طوپلایوب امیر مطهرتدن انتقام آلمایی قرار لاشدیردی . بوحینده ممالیک مصر طرفندن ملاطیه ناهی اولان منطاشدن ایلچی کلدی سلطان ایله عقد اتفاق ایتدی . منطاشك بوحرکتك اسبابی ایضاح اقتضا ایتکده در :

مصر سلطنتی ممالیک اتراکدن [۱] و ملک ناصر ناصر الدین محمد بن قلاون احفادنندن ملک صالح صلاح الدین حاجی یدنده ایکن چرکس کوله لرندن برقوق ۷۸۴ سنه سنده آندن تزع ایده رک تسلطن ایتدی . برقوق ملک ناصر اولاد واحفادینی آراشدیرمقده وبونلره طرفدار بولونان دشت قیچاقدن کتیرلش عن اصل ترک اولان مصر بکلرندن متوحش بولونوب جزئی برجرم ایله انلری قتل وجبس ایتکده ایدی . منطاش ده قیچاق ترک لرندن اولملقه برقوقدن قورقوسندن سلطان برهان الدین احمد ایله اتفاقه لزوم کوردی . مصر وشام عسکری اوزرینه کله جک اولور ایسه ملاطیه یی سلطان برهان الدین احمده تسلیم ایتیهی عهد و شرط ایتدی . سلطان بویه برفرضتی قاچیرمق ایسته مدیکندن ارزنجانه توجهدن صرف نظرله ملاطیه یی ترجیح ایتدی .

ذاتاً سلطان برهان الدین احمدله مصر حکومتی اده سنده کرکینلکی موجب اسباب عدیده وار ایدی : اولاً دولقادر اوغللری [۲] سبی

[۱] ممالیک اتراک مصر ایوبیه دولتی کوله لرندن مزال دین ایک طرفندن ۶۴۸ سنه سنده تأسیس ایدلش ۷۹۲ سنه سنه قدر [آنجق ۷۸۴ دن ۷۹۱ سنه سنه دکی چرکس برقوق فاصله ویرمشدور] دوام ایش برترک دولتی در . بوندن اول مصرده ایکی ترک حکومتی دها واردر : برنجیسی ۲۵۴ سنه سنندن ۲۹۲ سالنه قدر دوام ایدن بی طولوندر . ایکنجیسی ۲۲۳ سالندن ۳۰۸ سنه سنه دکی حکمران اولان بی اخشیددر .

[۲] دولقادر اوغللری حکومتته ذوالقدر به ده دینور قراجا بن دلقادر (دولقادر بعده بالتحریر ذوالقدر دیمشدر) طرفندن ۷۴۶ تاریخنده سیس حکومتدن کابان قلعه سنک فتحی اوزرینه ۷۴۹ سنه سی ملک قاهره عنوانی اخذ ایلمه سی

ایله ارده ده بر منافست موجود ایدی . بو خاندان دن خلیل بك بر مدت خرپرت [۱] قلعه سنده ونواچیسنده منکوب قالش ایکن سلطانك معاوتی ایله قوت بولماسنی مصر لیلر خوش کورمه مشلر ایدی .
 ثانیاً ارتنازاده علی بكك اموالندن بر قسمنی بر تاجر شامه کونورمش ایدی . تاجر علی بكك وفاقی خبر آلتجه عودت ایتمه بهرك شامده قالدی .
 سلطان برهان‌الدین احمد بوتاجرك تسلیمنی دفعاتله ایسته دیکی حالده مصر لیلر تسلیم ایتمه دیکلرندن سیواسه کلن مصر تاجر لرندن برینك مالی آل دیروب علی بكك ورثه سنه ویرد پردی . بو خصوص حقنده ایکی حکومت ارده سنده مخبره سیاسیه جریان ایتدی .

ثالثاً سلطان برهان‌الدین احمد تیمورلنكك اوضاع واحوالنی تجسس ایچون بر فقیر کوندرمش ویدینه تیموره خطاباً بر مکتوب ویرمش ایدی . فقیر تیمورك جوانی حامله کلور ایکن ارزنجان ملکی مطهر تن بونی طوتوب مکتوبی آلدی . شاملیلره کوندروب سلطان برهان‌الدین احمدك تیمور طرفدار ی و دوستی اولدیفه بو مکتوب حجت قاطعه در . دیه یازدی .

رابعاً سلطان برهان‌الدین احمد بر کون لطیفه طریقیله چرکس کوله لرینك رومذن شامه کوندرله سنه رخصت ویرمه جکم دیمش ایدی . بوسوز قولاقدن قولاغه مصره قدر کیتدیکندن مصر لولره داغ درون اولمش ایدی .

بواسبابدن طولانی سلطان ، منطاشك تکلیفته موافقت ایتدی .

ایله باشلار ایسه ده کاتب چلبی تقوم التواریخ ده ابتدای تأسی ۷۸۰ و نهایی ۹۲۱ سنه سی اولق اوزره اراثه ایدر . خلیل بك قراجاك اوغلیدر . دولقادر خاندانی ایله آل عثمان ارده سنده شهریت واردر : چلبی سلطان محمد خان اول و قانع سلطان محمد خان ثانی ذوالقدر خاندانندن قیز آلشردر .

تاج التواریخ جلد اول صحیفه ۲۶۴ و ۳۹۹

[۱] اليوم خرپوط (خرپوت) دیدیکمز بلده در . اولجه خرت برن و خر تربت دینور ایدی .

ملاطیه بی تسلیم ایتک اوزره بر معتمدینک ارسالی ایچون منطاشک دواتیسی کلدیکندن سلطان بر معتمدینی کوندرمکله رابر کندیدی ده یوله چیقیدی . انجق منطاشده آنار تلون رونما اولمقده ایدی : حتی خلاف عهد اوله رق سلطانک معتمدینی ومعتنی حبس ایتدیکنه دائر قاصد کلدیکندن سلطان ، دواتی بی طوتوب کیرو دوندی . قلماح نواحیسنه ایریشنجه ملاطیه دن ایلچی کله رک هدیه لر کتیردی . بونی متعاقبده سلطانک مأمورلوی کلوب منطاشدن بیان ممنونیتله عذر لر بیان ایتدیلر . سلطان ، دواتی بی معزراً اعاده ایله سیواسه دوندی .

سلطان سیواسه ایکن جنید، ینه عصیان ایتدیکندن قلعه بی فتح ایتک ایچون قیصریه به کتیدی . بوانشاده تیمورلنکک مملکته دوندیکی و تختامیش خانک ممالکنه متوجه اولدینی خبری کلدی .

بو خبری متعاقب منطاشک برادری و نائب « شیخ حسن کرد » کلدیلر . ملاطیه قطعه سی تسلیم ایده چککرینی سویله دیلر . سلطان جواب ویرمه دی . امرادن بعضلری آنلره سزک سوز کزه اعتبار اولماز دیدیلر . بشقه برکون نائب شیخ حسن سلطانک حضورینه کلوب منطاشک ملاطیه قلعه سی محافظه یه قدرتی اولمادیقنی وملاطیه نک مهم بر موقع اولدیقنی واکر سلطان بوتکلیفه اجابت ایتزایسه قلعه نک قره قیونلی قرا محمده تسلیم اولنه جفنی عرض ایده رک سلطان ایتدیکندن وجنیده مغوله ورعایای قیصریه به تعرض ایتیه چکنه یمین ایلدیکندن سلطان سیواسه اورادن ده ملاطیه به متوجه اولدی .

شام رأس حدی اولان « قلماح » و وصولنده امیر یوسف چلبی بی قتل ایتیش اولان قتلو بک اوغللرندن اولوب اوراده بولونماقده اولان اولان بری قاچاغه امکان بولامادیقندن سلطانه التجا ایتکله عفو اولوندی . بوده برادرلرینی آلوب سلطانک حضورینه کتیردی . کوچک برادری

عثمان [۱] ملازم درگاه سلطان اولدی .

سلطان برهان‌الدین احمد ملاطیه‌یه مواصلت ایدنجه منطاش برای استقبال قلعه‌دن چیقدی . مراسم خوش آمدیدن و طعام ایدلدکدن صوکره سلطان ، احمدکک یعنی ایچ قلعه‌نک کنسدی معتمدلرینه تسلیمی تکلیف ایتدی . منطاش ، سلطانده خطاباً «شامه حرکت بیوریله جقمی بیورلمایه جقمی؟» دیه صوردی . سلطانده «بورایه کلکدن مقصودمن بوجه قرار ملاطیه‌یه بزه تسلیم ایتمه‌کنز بزه اکا مقابل نیکساری سزه ویرمه‌من و آندن صوکره شامه متوجه اولمازدر .» جوابی ویردی . منطاشک حال و قالندن آثار نفاق نمایان اولغله آتی طوتوب سیواسه کتیردی .

ایکی دفعه شد رحل ایتش ایکن ملاطیه‌یه اله ایده‌مدیکی کبی سلطان برهان‌الدین احمد کندی سلطنتی‌ده از قالدی که تهلکه‌یه القا ایتسون . شویله‌که :

سلطان برهان‌الدین احمد حلب ناچی یولبوغای (یلبغا) ناصری‌یه برایلچی کونده‌رک منطاشک ایکی دفعه نقض عهد ایتمه‌سندن وفاقندن طولانی بالتوقیف سیواسه کتیردیکنی بیلدیردی . چونکه ملاطیه ملکی عمر بکک ارتحالی اوزرینه اهالی مصر حکومتی طرفندن منصوب‌اولان کختا (کاخته) نائنه شهری ۷۶۲ سنه‌سنده تسلیم ایتدکدرنده ملاطیه حلبه مضاف قلاعدن بری [۲] اولمش ایدی .

[۱] آق قیونلی حکمدارلرندن قره‌بولک عثمان درکه سلطان برهان‌الدین احمدی قتل ایتدیکی آئیده یازیله‌جقدر .

[۲] سنه ۷۶۲ . الملك عمر بک صاحب ملطیه (ملاطیه) توفی فی المحرم منها فلم اهلها الملطية الى نائب کنتا واستقرت من جملة الفلاح المضافة الى حلب . تاریخ عینی (عقدالجمان فی تاریخ اهل الزمان) بایزیده ولی‌الدین افندی کتبخانه‌سنده ۲۳۹۰ نومرولی جزء تاسع عشرده .

تاریخ عینی دیمکله معروف تاریخ معتبرک مؤلفی بدرالدین عموددر .

امیر احمد و امیر مطهر تن و جنید حتی سیواس اهاالیسندن بعض
مفسد لر یولبوغای سلطان برهان الدین احمد علیه تحریک ایتمکده ایدیلر.
دیگر جهتدن برقوق علیه منطاش ایله اتفاق یولوندیغندن و بونک توقیف
اولونماسی نفسه کران کلدیکندن یولبوغا سلطان برهان الدین احمدک
ایلدیسنه «سز سلطان مصرک غلامی (یعنی منطاشی) نه سبب ایله
طوندیکز؟ شمدی بن کلیم. سیواسی و بلکه تمام رومی سزدن آلایم.»
عتابنده یولوندی. بو تهدید قولده قالمادی. ۷۸۹ سنه سی یومورلنکک
ملاطیه یه کله چکی شایع اولماسیله مصردن حلبه خیلی عسکر سوق ایدلش
ایدی. برقوقدن اجازت استحصال ایتدکدن سوکره یولبوغا عساکر
مجمعه یی مستصحباً سیواس اوزرینه یورودی و هان شهری محاصره
ایتدی. طرفیندن جنکه شدتله دوام ایدیلیور ایدی. غراثیدن اوله رق
سلطان برهان الدین احمد غوغانک سبی اولان منطاشی اعزازله کندینی
استخلاصه کلئر ایله محاربه یه کوندردی. مصر عسکری قوت ایله
موفق اولامادقلرندن طریق حیلله سلوک ایتدیلر. لکن بوصیره ده عساکر
مصریه، مغول لشکری سلطانه معاونته کلکده اولدیغنی استخبار
ایتدکلرندن دورکی ناچی ولد شهری [۱] ایله برمفرزه عسکریه یی کشفه
کوندردیلر. یومفرزه مغلوب وولد شهری مقتول اولدی. سلطان ده
مصر عسکرینه شیخون ایتدیکندن عساکر مذکوره بریره طوبالانوب

(۷۶۲-۸۵۱) برادری شهاب الدین احمد بوتاریغی اختصار ایتددر. ولی الدین افندی
کتبخانه سنده بولونان تاریخ عینی قسماً اصلی قسماً مختصریدر. سلطان احمد
خان ثالث صدر اعظم لرندن مشهور داماد ابراهیم پاشا تاریخ عینی یی بر هیأت
فاضله یه ترجمه ایتدیرمشددر. بو ترجمه لرندن مختلف جلدلر استانبول کتبخانه لرنده
موجوددر. ترجمه ایدن هیأت فاضله حقنده راشدتاریغی ذیل کوچک چلبی زاده
اسمعیل عاصم افندینک اثرینک ۳۶۱ - ۳۵۸ صحیفه لرنده معلومات کافیه وارددر.
[۱] مصر لیلر دورک (دیوریک) یی ۷۸۳ سنه سنده ضبط ایتدکلرینی
وناکیلکنه یعنی امارتنه ابراهیم بن محمد بن شهری یی تعیین ایله ذکرلینی ابن حجر
انباء الفمرده بازار. ولد شهری بو ذات اوله جقددر.

قلعه‌نك اكثر طرفلری محاصره‌دن قور تولدی . مقول عسکری مورکم
کنارنده صفار باغلادیغندن مصر عساکری ینه ایکی به آریله رق بر قسیمی
قلعه‌نك محاصره‌سنده قالدی . دیگر قری مغول ایله جنکه کیدوب مغلوب
اولدی . مصر لیلر صلحه طالب اولدقلرندن مصالحه اولق اوزره
سلطان برهان‌الدین احمد، شیخ یار علی بی [۱] مأنور ایتدی . شرائط
صلحه تقرر ایتک اوزره ایکن قلعه‌دن قرار ایدن حمالی بر شخصک
فسادی ایله نتیجه‌سز قالدی . حرب ینه کریمی ویرلدیکندن مصر
عسکرلری ارزنجان قیوسندن سیواسه داخل اولدیلر ایسه ده سلطان و قتيله
یتیشوب مصر لیلری طشره آتدی . شهرلیدن مصر لیلره یاردم ایدن اوباب
فساددن فراده موفق اولامانلرک مستحق اولدقلری جزایی ویردی .
مصر لیلر تکرار صلح طلب ایتلریله مصالحه منعقد اولوب عساکر مصریه
حلبه دوندی . ۷۹۰ سیواس محاصره‌سی قرق کون دوام ایتش ایدی .
(مابعدی وار)

احمد توحید

[۱] شیخ یار علی بالاخره خدمت دولت عثمانیه به داخل اولورق کندیبی
واولاد واحفادی علمای عثمانیه اده‌سنده برر موقع مهم احراز ایتشلردر .